

Ռոբերտ Զոչարյանը նորից հայտարարել է ԼՂՀ հնարավոր ճանաչման մասին, եթե Բաքուն բանակցությունները փակուղի փանի

«PanARMENIAN.Net», 04.04.08: Եթե Ադրբեջանը շարունակի փորձել օգտվել Հայաստանի ներքաղաքական իրավիճակից Լեռնային Ղարաբաղի հակամարտության կարգավորման գործընթացում, ապա Երևանը ստիպված կլինի սրել իր դիրքորոշումը: Այդ մասին լրագրողներին հայտարարել է Հայաստանի գործող նախագահ Ռոբերտ Զոչարյանը: «Հայկական կողմն



ալվելի վճռական եւ սկզբունքային կլինի բանակցային գործընթացում եւ, բնականաբար, որեւէ զիջում չկա եւ լինել չի կարող»,- ընդգծել է պետության ղեկավարը:
Նրա խոսքերով, հայկական կողմը պետք է հստակ հասկանա, որ ամուր դիրքորոշումների լավագույն երաշխիքը Ղարաբաղի հարցում լինելու է երկրի զարգացման տեմպերն ու կայունությունը: «Ինչպես ես արդեն ասել եմ, ես չեմ բացառում Հայաստանի կողմից Լեռնային Ղարաբաղի Հանրապետության ճանաչման հնարավորությունը, եթե Ադրբեջանի քաղաքականությունը բանակցությունները փակուղի տանի»,- ասել է Ռոբերտ Զոչարյանը:

ԻՆՉՈՒ ՌՈՒԲԵՐՏ ԶՈՇԱՐՅԱՆԸ ԴԱ ԶԻ ԱՐԵԼ ՏԱՍԸ ՏԱՐԿԱ ԸՆԹԱՑՔՈՒՄ

«ԼՐԱԳԻՐ», 02.04.08: Հայաստանի նախագահի նախկին թեկնածու, Ղարաբաղի նախագահի նախկին խորհրդական, ԼՂՀ նախկին արտգործնախարար Արման Մելիքյանը ապրիլի 2-ին Հայացք ակումբում տեղի ունեցած ասուլիսի ընթացքում անդրադարձել է Ղարաբաղը ճանաչելու կամ Ղարաբաղի հետ միջպետական պայմանագիր ստորագրելու մասին Ռոբերտ Զոչարյանի հայտարարություններին: Լրագրողների հարցին, թե արդյոք դա վտանգավոր կարող է լինել Հայաստանի համար, թե շահեկան, Արման Մելիքյանը պատասխանել է, որ վտանգավորը ոչինչ չանելն է, ինչն էլ տեղի է ունեցել անցած տարիների ընթացքում:



Արման Մելիքյանը նպատակահարմար է համարում սկսել Ղարաբաղի ճանաչման գործընթաց: Ինչ վերաբերում է Ռոբերտ Զոչարյանի հայտարարությանը, ապա Արման Մելիքյանն ասում է, որ իր համար ընդունելի կլինեք, եթե այդօրինակ հայտարարություն անել վարչապետ Սերժ Սարգսյանը: Ռոբերտ Զոչարյանը հեռացող նախագահ է, նշում է Արման Մելիքյանն ու ասում, որ եթե այդ խնդիրները նա համարում էր իսկապես անհրաժեշտ, ինչպես հայտարարել է, ապա թող աներ անցյալ տասը տարիների ընթացքում, ոչ թե այդ մասին խոսեր իր հեռանալուց տասը օր առաջ: Արման Մելիքյանի խոսքով, եթե Սերժ Սարգսյանը Ռոբերտ Զոչարյանի իշխանության ժառանգորդն է, ապա նա պետք է աներ այդպիսի հայտարարություն, մինչդեռ Սերժ Սարգսյանը, ըստ Արման Մելիքյանի, հիմա անում է հակառակը, ասելով, թե ինքն առաջիկայում չի անդրադառնալու Ղարաբաղի ճանաչման խնդրին:

ԳԱՂՏՆԻ ԲԱՆԱԿՑՈՒԹՅՈՒՆՆԵՐ

«ԱԶԳ», 01.04.08: Ըստ ոչ պաշտոնական աղբյուրների, մի քանի օր է, ինչ միջնորդավորված բանակցություններ են ընթանում Լեռն Տեր-Պետրոսյանի եւ իշխանությունների, հիմնականում Սերժ Սարգսյանի կողմնակիցների միջեւ: Այդ բանակցությունները, ինչպես ասացինք, միջնորդավորված են, դրանց մի մասը օտարերկրյա պաշտոնյաների բազմակողմ շփումների շրջանակում են ընթանում եւ նպատակ ունեն կողմերի միջեւ համանման մոտեցումներ գտնելու: Այս տեղեկատվության հավաստիությունը պաշտոնական աղբյուրներից ստուգել չհաջողվեց, սակայն վերջին շրջանում Լեռն Տեր-Պետրոսյանի լռությունը ներքաղաքական իրադրության վերաբերյալ, հուշում է, որ այնուամենայնիվ, որոշակի կուլիսային հանդիպումներ տեղի են ունենում եւ փորձ է արվում ինչ-որ պայմանավորվածություններ ձեռք բերել: Ասենք նաեւ, որ այս տեղեկատվությունն ապրիլյան կատակ չէ:

ՎԱՆԱՏՈՒՐՈՒՄ ՅՈՒՅՅԸ ՇԱՐՈՒՆԱԿՎՈՒՄ Է

«Ա1+», 04.04.08: Կոտայքի մարզի Հրազդան քաղաքի Վանատուր թաղամասում այսօր շարունակվում էր ի պաշտպանություն ԱԺ պատգամավոր Սասուն Միքայելյանի բողոքի ակցիան: Նրանք իշխանություններից պահանջում էին



ազատ արձակել մարտի 12-ին ձերբակալված Սասուն Միքայելյանին, իսկ վերջինիցս պահանջում էին դադարեցնել հացադուլը: Ի դեպ, այսօր ոստիկանների կողմից որեւէ խոչընդոտ չի եղել: Հիշեցնենք, որ ի պաշտպանություն ԱԺ պատգամավոր Սասուն Միքայելյանի՝ արդեն 10 օր է հացադուլ է հայտարարել ազատամարտիկ Արշավիր Բոզինյանը: Վերջինիս վիճակը կայուն է. նրան այսօր չեն այցելել բժիշկներ:

ԿԻՊՐՈՍՅԻ ԹՈՒՐԷՐԸ ԿՅԻՇԵՆ ՀԱՅՈՑ ՅԵՂԱՍՊԱՆՈՒԹՅԱՆ ՕՐԸ

«ԱԶԳ», 01.04.08: Թուրք կիպրոսցիների առաջադիմական կուսակցությունները Բոյուզ Խանում ապրիլի 24-ին առաջին անգամ կնշեն Հայոց ցեղասպանության տարելիցը: Ըստ «Նոյյան տապանի», «Կիպրահայեր» կայքէջը հաղորդում է, որ հաջորդ շաբաթ հայտնի կդառնա միջոցառման հիմնական բանախոսի անունը: